



## Inatsisartunut ilaasortaq, Jens Napātôk, Partii Naleraq -/ MAANI

### § 37 naapertorlugu apeqquteqaammut nr. 044-mut akissut

Inatsisartut suleriaasissaanni § 37-mi imm. 1 naapertorlugu apeqqutinik Naalakkersui-sunut nassiussaqaarsimavutit, nioqqutissanik pisiniarfinnut umimmaat neqaannik tunisisinnaanermut immikkut it-tumik akuersissut pillugu. Apeqqutitit uanga suliaasaqarfigisannut akisassanngortinneqaarsimapput.

Tulliuttut apeqqutinut nassiunneqaarsimasunut akissutaapput:

#### **1. Naalakkersuisut Pisiffik-mut aamma Brugseni-mut toqqaan-nartumik umimmaap neqaannik pisiniarnissaannut immikkut akuersissummik nalunaaruteqaarsimappat?**

Akissut:

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersumi § 32, imm. 2-mi aamma 3-mi aalajangersakkanit immikkut ittumik akuersissuteqaarsinnaanermut periarfissaq pillugu Naalakkersuisut ullormi 30. augustimi 2018 Naalakkersuisut aalajangiipput. Immikkut ittumik akuersissuteqarnissamut periarfissaq 1. september 2018-miit 31. december 2019 ilanngullugu atuuppoq. Nioqqutissanik pisiniarfiit una immikkut ittumik akuersissut atorlugu ilaatigut umimmaat neqaannik tunisisoqarsinnaanera akueritissinnaavaat. Uumasut neqaat inuussutissarsiutigalugu piniartunit taamaallaat pisiarinqarsimasut immikkut ittumik akuersissummut ilaapput.

Uumasut nujuartat neqaannik immikkut ittumik akuersissut naapertorlugu, Brugsenip pisiniarfii marluk aamma Pisiffiup pisiniarfii arfinillit, pisinissamut ulloq 30. januar 2019-imi periarfissaqarput.

Immikkut ittumik akuersissummik qinnuteqaammik Naalakkersuisunut nassiussisoqarneranut atatillugu atortut tunuliaqutaasut aallaavigalugit suliffeqarfiit Naalakkersuisunit akuerineqaarsimapput. Atortut taakku ilaqarput ilaatigut, uumasunit nujuartanit neqit pisiarinqartut annertuumik passunneqartarnissaannut aamma suliffeqarfiit namminneerlutik nakkutilliisarnerminnik annertusiinernerannik.

#### **2. Naalakkersuisut Pisiffik-mut aamma Brugseni-mut immikkut akuersissummik itigar-titsisimappata, itigartitsissut sumik tunngaveqarpa?**

Ulloq: 24-01-2019  
Suliap normua: 2019 - 1667  
Akt normu: 9896075

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

Akissut:

Inuussutissarsiutigalugu piniartunit umimmaat neqaannik tunisinissamut immik-  
kut ittumik akuersissummut tunngatillugu Pisiffimmut imaluunniit Brugsenimut  
itigartissummik ullormi 30. januar 2019-imi Naalackersuisut nalunaaruteqar-  
nikuunngillat.

**3. Naalackersuisut isumaqarpat neqaarniarnermi, agguisarnermut  
aammalu uumasut miluumasut nunaannarmiunik nioqquteqartar-  
nermi inatsit ullumimut naleqquttuusooq, ullumikkummi atugassanik  
pisiniarfinni ilinniarsimasunik neqaarniaqarpoq aammalu agguisar-  
fiit pitsaalluinnartut eqqiluilluinnartullu atugaallutik?**

Akissut:

Nunatsinni tuniniaasinnaanissaq siunertaralugu nerisassat pillugit inatsisit nutar-  
tigassaasut Naalackersuisut isumaqarput. Taamatuttaaq Inuussutissanik nersutil-  
lu nappaataannik inunntut tunillaassorsinnaasunik nakkutilliineq pillugu  
Inatsisartut peqqussutaat nr. 17, 28. oktober 1993-imeersup tassungalu atatillugu  
nalunaarutit, nutarterneqarnissaat Naalackersuisut sulissutigaat. 2019-imi  
Inatsisartut ukiakkut ataatsimiinnissaannut atatillugu inatsisip aallaaviusup nutar-  
ternera saqqummiunneqassasoq Naalackersuisut siunertaraat. Inatsisartut  
inatsisaat nutaaq taanna, nioqqutissanik pisiniarfiit uumasunik miluumasunik  
nunaannarmiunik pisiniartarnerannik, nersutinik toqoraasarnerannik, uullisar-  
nerannik tuniniarnerannillu malittarisassianik ilaatigut inatsit imaqartussaavoq.

Inussiarnersumik inuulluaqqusillunga



Nikkulaat Jeremiassen

Aaguisarnermut, Piniarnermut Nunalerinermullu Naalackersuisoq



## partii naleraq

Upernavik ulloq, 17/01-2019

Inatsisartut suleriaasianni § 37 imm. 1 naapertorlugu Naalackersuisut apeqqut imaattoq matumuuna saqqummiuppara:

### **Naalackersuisunut apeqqut:**

- 1. Naalackersuisut Pisiffik-mut aamma Brugseni-mut toqqaannartumik umimmaap neqaanik pisiniarnissaannut immikkut akuersissummik nalunaaruteqarsimappat?**
- 2. Naalackersuisut Pisiffik-mut aamma Brugseni-mut immikkut akuersissummik itigartitsisimappata, itigartitsissut sumik tunngaveqarpa?**
- 3. Naalackersuisut isumaqarpat neqaarniarnermi, agguisarnermut aammalu uumasut miluumasut nunaannarmiunik nioqquteqartarnermi inatsit ullumimut naleqquttuusoq, ullumikkummi atugassanik pisiniarfinni ilinniarsimasunik neqaarniaqarpoq aammalu agguisarfiit pitsaalluinnartut eqqiluilluinnartullu atugaallutik?**

(Inatsisartunut ilaasortaq, Jens Napātôk', Partii Naleraq)

### **Tunngavilersuut:**

KNR-ip nittartagaani ukioq januaarip 15-ani 2018-imi atuarneqarsinnaavoq, Brugseni imaluunniit Pisiffik ukioq 2018-imi pisisartutik umimmaat neqaanik nereroorfigisinnaanagit. Tamannalu pisisuteqartoq umimmannik tunitsiveqanninneq.

Naak umimmaat neqaannik piserusuttoqartaraluartoq niuertarfiit marluusut tamanna ajuusaarutigigaat, sionatigummi Brugseni-p ukiumut nersutit 200-rujut missaanniittut tunisarsimagaluaramikkitt.

Neriniartarfiit aammalu unnuisarfiit umimmaat neqaannik tuniniaallutik ingerlatsiinnarnissaminnut periarfissaqarput, toqqaannartumik piniartutut inuussutissarsiuteqartuniit pisisinnaatitaanermikkut akuerineqarnikuugamik.

Paasivara sunaluunniit uumasooq miluumasooq nunaannarmioq niuertarfinni nioqqutissiaassappat aammalu tunitsivimmuut tunineqarsimappat inatsisit naapertorlugit nersutit nakorsaannit misissorneqaqqaartussaammat. Inatsisilli atuutinngillat kalaaliaqqani imaluunniit neriniartarfinnut toqqaannartumik tunisinikkut tunisanut. Tunngavigineqarsimasooq tassaavoq neqeq niuertarfinni tuninarneqartussa q ilaatigut pisisartorpassuarnut annguttussaammat ilaatigullu piffissami sivisuumi qerinasuartitsivimmiittussaana. Kalaaliaqqami tuniniarneqarnermiit navianarnerusinnaanera taamaalilluni pisisartorpassuarnik ajoqusiisumik eqqueratarsinnaanera annertunerummat.



## partii naleraq

Pisffik-miik aamma Brugseni-miik naqissuserpaat ilanngutassiaasimasoq eqqarsaatigalugu ilin-niarluarsimasunik aammalu peqqinnissaq eqqarsaatigalugu imminut illersorsinnaanerusumik suliaqarsinnasunik neqaarniaqarnertik taamatullu neqinik pitsaanerusumik passusisinnaalluarsinnaasunik atorfilittaqaramik.

Piniartutut inuussutissarsiuteqartortagut pisaminnik tunitsivissaqartariaqarmata aammalu nunatta pisariaqartippaa imminut pilersornerunissarput, taamaattumik taamatut ittumik apeqquteqarusulersippaanga.

Apeqqutit ullut suliffiit qulit iluani akineqarnissaat kissaatigaara.